

Hegaluzearen kosteran 10.000 tona sartu dira Hegoaldeko portuetara

3.000 milioi pezeta inbertitu dituzte 1992an untzi berriak eraikitzen


Hego Euskal Herriko portuetan ia 10.000 tona hegaluze sartu dira azken arrantzaldia. Emaizta hauek iazkoak baino hobeak badira ere ez dira «onak», euskal arrantzaleen ustez. Era berean, Gipuzkoa eta Bizkaiko flotak 3.000 milioi pezeta (150 milioi libera) inbertitu ditu untzi berriak eraikitzen.

M. ARREGI / BILBO

Hegaluzearen kanpaina ofizialki uztailaren 1ean hasi eta urriaren 30ean bukatzen bada ere, epe hauek luzatu egiten dira normalean. Azken kostera 1991koa baino hobeak izan bada ere, arrantzaleek azpimarratu dute ez dela 1990ekoaren mailara iritsi.

Bizkaiko Golkoko uretan hegaluze harrapaketa ez ziren ugariak izan iazko uztailan. Abuztua, berriz, hilabete ona izan zen eta kosterak modu hone-tan jarraitu zuen irailaren erdira arte, gutxi gorabehera. Hemen-dik aurrera harrapaketa kopurua jaitsiz joan zen eta azkenean, urriaren hasieran, arrantzaleek Kantauro Itsasoa utzi eta Medi-teraneo aldera joan behar izan zuten hegaluze bila. Baina hor ere ez zen harrapaketa handirik egin eta emaitza txarra izan zen.

Bestetik, azken urteetan Azores irletara joan izan diren untziek ezin izan dutela bertan arrantzatu gogoratu beharra dago. Aurreko urteko hegaluze kosteran 15 arranuntzik baimena jaso zuten Azoresetan arrantzatzeko, baina azken kanpaina bertara iritsi zirenean ezetza jaso



3.500 arrantzalek egiten dute lan baxuran.

GOTZON OTXOA

eta bueltatu behar izan zuten.

Azores irletan arrantzan egiteko debeku horrek ekarri dituen kalte ekonomikoei aurre egiteko dirulaguntzak eskatu diote arrantzaleek Gasteizko Gobernuari, baina honek oraindik ez du erantzunik eman.

EMAITZAK PORTUZ PORTU Bermeo eta Geta-riako portuetan sartu zen arrain kopururik handiena hegaluzearen kanpaina. Horrela, Bizkaiko portuko arrantzaleek 3.529 tona

harrapatu zituzten. Arrain honek kiloko, batez beste, 342 pezetako prezioa izan zuen. Aipatutako Gipuzkoako portuan berriz, 2.412 tona hegaluze sartu zen eta salneurria kiloko 335 pezetakoa izan zen, batez bestean.

Hondarribiako untziek kiloa 366 pezetan saldu ziren 1.418 tona hegaluze ekarri zituzten. Ondarroako portuan 1.342 tona arrain sartu zen eta kiloaren prezioa, batez beste, 362 pezetakoa izan zen.

Mutrikuko portuko datuei da-

✓ Bermeo eta Geta-riako portuetan sartu zen arrain gehiena hegaluzearen kanpaina, 3.529 eta 2.412 tona hegaluze, hurrenez hurren.

gokienez, bertako arrantzaleek 627 tona hegaluze arrantzatu zituzten joan den kosteran eta salneurria kiloko 381 pezetakoa izan zen, batez bestean.

Gogoratu beharra dago duela zortzi urte hegaluze kiloaren prezioa gaur egunekoaren antzekoa izan zela.

BOLANTA SAREEN ARAZOA Hegaluzearen arrantzan Frantzia-ko untziek erabiltzen dituzten bolantak izan dira azken kanpaina ere eztabaidagai nagusia, urtero gertatzen den bezalaxe.

Gipuzkoa eta Bizkaiko arrantzaleek mobilizazioak egin dituzte sare hauen erabilera debekatzea eskatzeko eta sektoreko arduradunek behin eta berririo eskatu diete Europako agintariei arrantza sistemaren gaineko araudia zorrozteko.

Aurtengo ekitaldia bukatu aurretik Europako Komunitateak sare hauei buruzko erabakia hartu beharko du, hegaluzearen stock-ean egiten dituen kalteei buruzko azterketa egin ondoren. Bitartean arrantzaleek bolanten behin-behineko debekua eskatzen jarraitzen dute.

Berrikuntzak eta untzi berriak arrantza sektorean

M. A. / BILBO

Guztira Hego Euskal Herriko arrantza sektoreak 1.553 milioi pezeta (77,65 milioi libera) inbertitu ditu joan den ekitaldian zehar untziak berriztatzen. Era berean, arranuntzi berriak eraikitzeke 3.000 milioi pezetako (150 milioi libera) inbertsioak bideratu dituzte.

Sektorearen lan tresna nagusia den untzien berriztatpenek eta eraikuntzek izan dituzte laguntza ofizialak. Horrela, Europako Komunitateak 107 milioi pezetatik gorako dirulaguntzak onartu zituen Gipuzkoa eta Bizkaiko untzi zaharrak berritzeko. Laguntza hauek eskuratzeko 60 eskakizun aurkeztu zituen Gasteizko Nekazaritza eta Arrantza Sailak Bruselan eta Europako batzordekideek 45 onartu zituzten.

Arranuntzi berrien eraikuntzari dagokionez, Bruselako agintariek 17 milioi pezetako laguntzak eman zizkieten aurkeztutako 17 eskakizunetatik biri. Bi kasuetan untzi berriak baxurakoak ziren. Eusko Jaurlaritzak, bere aldetik, 278 milioi pezetako laguntzak eman ditu 1992an untziak berritzeko.

Hegoaldeko arrantza sektorea 640 untzik osatzen dute gutxi gorabehera. Hauetatik 30 inguru atununtzi-izozgai-luak dira. Flota hau Europako garrantzitsuenak da.

Bestetik, arrantza sektoreko langile gehienak biltzen dituen baxurako untziak berritzen 475 milioi pezeta inbertitu dira. 3.500 arrantzalek egiten du lan baxuran.

Alturako untzietan Bizkaia eta Gipuzkoako 1.700 arrantzale inguruk egiten du lan.

Torfinasako langileak lanean hasiko dira azken eskaintza onartu ondoren

A. UNANUE / IRUÑEA

Torfinasako langileek TWR multinazionalako zuzendaritzaren azken eskaintza onartzea erabaki zuten atzo goizean egindako batzarrean. Ondorioz, joan zen astelehenean hasitako grebaldia bertan behera utziko dute eta bihar euren lanpostuetara itzuliko dira.

Zuzendaritzaren azken eskaintzak ezer gutxi hobetu du jatorrizkoa, 144 langileren kanporaketari eusten baitio. Hori dela eta, orain arte aho batez jardun duten langileen artean zatiketa nabaritu zen atzo. Horrela, ELA

eta CCOO sindikatuak proposamena onartzearen alde agertu ziren, hori ez onartuz gero Nafarroako Gobernuak hasierako eskaintza izenpetuko zuela argudiatuz. Jatorrizko eskaintzaren arabera, kanporatutako langileek lan egindako urteko 20 eguneko soldata jasoko lukete. Egin dieten azken proposamenen, berriz, urteko 40 eguneko soldata eskaintzen zaie.

LAB, UGT eta ESK-CUIS akordioaren kontra azaldu ziren, derrigorrezko kanporaketei erroto uko egin baitiete. Azkenean, langileen botoek erabaki zuten emaitza: 286 proposame-

naren alde eta 155 besterik ez kontra.

Kanporaketak maiatzerako gauzatuko dira. 119 aurreratutako erretiroak izango dira, beste 22 borondatezko bajak eta gainontzeko hirurak behin-behineko kontratuak dituzten langileenak. Aurretik erretiratutakoek soldataren % 90 jasoko dute erretiratzeko adina bete arte. Borondatezko bajak hartzen dituztenek lan egindako urteko 40 eguneko soldata kobratuko dute 7,5 milioi pezeta arte. Lanean segituko duten 468 lagunei dagokienez, aurtun KPI gehi 2,7 puntuko soldata igoera izango dute.

Ur hornidurarako eta Oria Ibaia erregulatzeke Ibiurko Urtegia eraikitzeke Proiektua (Gakoa: 5-PR-5/92 EX)

1993ko Urtarrilaren 7ko Gipuzkoako Aldizkari Ofizialean, 3 zk.an, ur hornidurarako eta Oria Ibaia erregulatzeke Ibiurko Urtegia eraikitzeke Proiektua (Gakoa: 5-PR-5/92 EX) jendeaurrean erakusteko epea luzatzeko iragarkia eman da argitara.

Donostia, 1993ko Urtarrilak 7.



Gipuzkoako Foru Aldundia

Obra Hidrauliko eta Ingurugiro Departamentua